

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars tertia, hoc est:
Tractatio evangeliorum tam dominicalium, quam
festivalium, ad recte se sub variis tentationum generibus
gerendum, disposita**

Creide, Hartmann

Francofurti ad Moenum, 1682

Exegesis

[urn:nbn:de:bsz:31-126133](#)

Licetigitur, Rege expergefato, juvenes illi orationes suas habuerint, & quilibet, rationibus, quo potuit optimis, confirmatum iverit opinionem suam: attamen veritas tandem palmam obtinuit, omnes populi namque clamarunt, & dixerunt: Magna est veritas & prævalet, 3. Eſi. 3.v.5. seqq. & 4.v.1. seqq.

Recte sic statutum est. Veritas quippe premi potest, sed non opprimi.

Attamen si Christianismus, ut quartus, prioribus adjungeret se, & diceret: fortissimus est amor, non dubium est, quin ille triumphum ageret, ipse siquidem Spiritus sanctus, amorem fortissimum esse adseverat, inquiens: fortis est, ut mors, dilectio; dura sicut infernus æmulatio: lampades ejus, lampades ignis, & flamma Domini. Aquæ multæ non poterunt extinguere caritatem, nec flumina obruent illam &c. Cant. 8.v.6.

Luculentum exemplum, quod dilectio Dei præsertim, fortissima sit, ex Evangelio nostro discere possumus, in quo, dilectionem Deum quasi ipsum, qui tamen fortissimus est, superasse, audimus, quod nobis Filium suum unigenitū, & dilectissimum, quem ex corde suo genuit, donaverit.

Eriam si enim veritas & justitia Dei in summo quoq; gradu fortia & immutabilia sint: Dilectio tamen Dei ejusmodi temperamentum reperit, ut per Filium, quem ex caritate nobis donavit, justitiae & veritati ejus satisfactum sit. Quod enim in carne pro nobis passus, & in stipite crucis pro nobis mortuus est, hoc ipso veritatem & justitiam divinam contervavit, quæ mortem generi humano attribuerant: Ex amore vero ortum est, quod nobis Filius

Dei donatus est, in quo habemus redemtionem per sanguinem ejus.

De hac Dei dilectione erga nos, & totum mundum, prælectum Evangelium agit.

Nos pro Instituti ratione videbimus

- I. *Triplacem Querelam.*
- II. *Triplacem Medelam.*
- III. *Triplacem Cautelam.*

J. J.

Exegetis.

Vivo ego, dicit Dominus Deus: non delector morte, sed ut convertatur impius à via sua, & vivat, Ezech.33.v.11.

Hic jurat veritas ipsa, ratione salutis nostræ, quod eam serio querat & desideret. Plus adhuc facit in prælecta Pericope, ex qua percipimus, quod nobis unigenitum Filium suum dederit, ut per eum vitam æternam habeamus. Verum multi eum rejiciunt, cum tamen vera sit lux, illuminans omnem hominem venientem in mundum, Joh. 1. vers. 9. 11. ideo quoque in tenebris ambulant, nescientes quovadant, Joh. 12.v.35. postea sequitur iudicium, ut, quia tenebras magis dilexerunt quam lucem, cum rectoribus tenebrarum seculi hujus, Eph.6.v.12. mittantur in tenebras exteriores, ubi erit fletus & stridor dentium, Matth.22.v.13.

Idipsum Servator innuit in præsenti Pericope, quando de illis, qui non credunt in nomen unigeniti Filii Dei, dicit, quod jam tum iudicati sint.

Querela respicit

I. *Summum incredulitatis flagitium:* de qua Christus: Qui non credit in nomine unigeniti Filii Dei, jam judicatus est.

m m m m

Quid

Quid h̄c incredulitas sit & vocetur, Christus ipse declarat, nimirum non credere in nomen unigeniti Filii Dei. Ubi per nomen unigeniti Filii Dei intelligitur Christus, & ratione personæ, quod sit verus Deus à Patre ab æterno genitus, & verus homo ex Maria Virgine in tempore natus; & ratione triplicis officii, quod sit Propheta, Rex & Sacerdos noster, quinimò unus ille Mediator Dei & hominum, i. Tim. 2. v. 5. Quicunque igitur in hunc salutis fontem non credit, ille committit

1. *Peccatum Salvatorem rejiciens.* Hæc antiquis imprimis Judæis familiaris erat, cum Christus in diebus carnis inter illos conversaretur, non enim Christum repererunt, ubi in propria venit, Joh. 1. vers. 11. sed dixerunt: Nolumus, hunc regnare super nos, Luc. 19. vers. 4. qui ostenderet nobis bona, Psalm. 4. vers. 6. adeoque non sunt confisi super Sanctum Israel, & Dominum non requisierunt, Esa. 31. vers. 1. Sicut adhuc hodiè Judæi in hunc universalem mundi Salvatorem credere nolunt, ut recte de illis illud Pauli dici possit: Eratis in illo tempore sine Christo, & sine Deo in hoc mundo, Ephes. 2. v. 12. siquidem tempore passionis expresse dicebant: Tolle, tolle eum, Joh. 19. vers. 15. & ita despexerunt & odio habuerunt Christum: Qui vero Christum odit, & Patrem ejus odit, Joh. 15. vers. 23.

Idem faciunt Papistæ, quando Christum ut unicum illum Advocatum adsperrantur, & sanctos demortuos ut Mediatores & Intercessores implorant: Derelinquentes fontem aquæ vivæ, &

fodentes sibi cisternas, cisternas dissipatas, quæ continere non valent aquas, Jer. 2. v. 13.

Verum Christus solus est Advocatus noster, i. Joh. 2. v. 1. sedens ad dexteram Dei, & interpellans pronobis, Rom. 8. v. 34. Abraham vero nescit nos, & Israel ignorat nos, Esa. 64. vers. 16. sed Dominus attendit & audit, quando invocamus eum, Mal. 3. v. 16. scit quoque, quibus indigeamus, Matth. 6. v. 32.

Optime itaque facimus, pleni fiducia dicentes: Adjutorium nostrum in nomine Domini, qui fecit cælum & terram, Psal. 124. v. ult.

2. *Peccatum justificationem impediens.* Hæc enim fundatur in Christo, ejusque sanctissimo merito, quia justificamur per redemtionem, quæ est in Christo Iesu, Rom. 3. v. 24. & Pater gratificavit nos sibi in Dilecto, in quo habemus redemtionem per sanguinem ejus, Eph. 1. v. 6. 7. Unde & Scriptura testatur, quod nobis à Deo factus sit justitia, i. Cor. 1. v. 30. hinc credenti in eum, qui justificat impium, reputatur fides ejus ad justitiam, Rom. 4. v. 5.

Ubi vero per opera justificari velis, ut Phariseus ille, Luc. 18. v. 11. & Scriba, Luc. 10. v. 29. ibi evanearis à Christo, & excidis à gratia, Gal. 5. v. 4. sine Christo vero cora Deo non justificari, nec faciem ejus videre possumus, sicut nec fratres Josephi faciem ejus videre poterant, nisi adducto fratre natu minimo, Gen. 43. v. 3. verum in Christo habemus accessum & fiduciam in confidentia ad Patrem, Eph. 3. v. 12.

Hic iterum à Pontificiis per operum merita justificari sat agentibus impingitur. Verum ex operibus legis non justificabitur omnis

omnis caro, Gal. 2. v. 16. Beati verò, quorum remissæ sunt iniurias, & quorum teœta sunt peccata, Psal. 32. v. 1.

3. *Peccatum damnationem attrahens.* Hoc enim Christus perspicuè indicat, dicens: Qui non credit, jam judicatus est: & iterum: Qui non crediderit, condemnabitur, Marc. 16. v. 16.

Quodsi peccata aœtu damnationem inferrent, nemo hominū servaretur. Omnes enim peccaverunt, & eagent gloria Dei, Rom. 3. v. 23. Quando verò homines in peccatis perseverant, Christum propitiatorem abjiciunt, ejusque meritum quasi conculcant, Hebr. 10. v. 29. id damnationem efficit, ut Christus hic testatur.

Cain & David ambo magni peccatores erant, uterque gravem reatum incurrera: ille fratrem Abelē, hic Uriam Hethœum Ammonitarum gladio peremerat, Gen. 4. v. 8. 2. Sam. 11. v. 16. Cain desperabat de misericordia Dei, inquiens: Major est iniquitas mea, quam ut remittatur, Gen. 4. v. 13. Propter hanc ~~an~~ utique damnatus est. Ex adverso verò David post lapsum erigit se gratiâ & misericordiâ divina, dicens: Miserere mei Deus, secundum misericordiam tuam, Psal. 51. v. 3. & transtulit Dominus peccatum suum, ne moreretur, 2. Sam. 12. v. 13.

Idem exemplo Petri & Judæ patet. Vide, igitur fratres! ne forte sit in aliquo vestrum cor malum incredulitatis, discedendi à Deo vivo, Hebr. 3. v. 12.

Si quis verò peccaverit, Advocatum habemus apud Patrem, 1. Joh. 2. v. 1. 2. Nemo igitur caussam habet desperandi cum Caino: Ubi enim abundavit delictum, superabundavit & gratia, Rom. 5. v. 20.

II. *Hominum incredulerum judicium*, de quo Servator: Qui non credit, jam judicatus est. Quod non intelligendum de extremo judicio, quod nondum factum, sed futurum est eo die, in quo judicaturus est orbem, in justitia per vitum, per quem decreverat, Acto. 17. v. 31. Nihilominus tamen increduli judicati sunt

1. *Per Dei judicium.* Deus Opt. Max. quasi supremus Judex & legislator ab æterno sedet, & dictat cuique peccatori pœnam, quam promeritus est, adeoque jam in judicio Dei judicatus est.

2. *Per Scripturæ effatum.* In hac cuilibet sententia decisiva, ratione peccati commissi, lata est, siquidem è libris Prophetarum & Apostolorum omnes homines judicabuntur, teste Joanne Apoc. 20. v. 12. in his incredulis omnibus definitum est, quod pœnas daturi sint, interitum æternum à facie Domini, & à gloriâ virtutis ejus, 2. Thess. 1. v. 9.

3. *Per culpe reatum.* Sicut enim qui homicidium perpetravit, hoc ipso homicidi reatum contraxit, licet pœnam adhuc expectet: Ita etiam cum incredulitate res se habet, qui in illa perseverat, reatum damnationis hoc ipso incurrit.

4. *Per conscientie forum.* Si homo mali quid commisit, & quidem ex infidelitate, cogitationes inter se invicem accusant se, Rom. 2. v. 15. postea testis est conscientia & convincit peccatorem, quin & non nunquam exequitur pœnam, sicut id ipsum Prodigioris Judæ exemplum, primò scilicet confidentis, Matth. 27. v. 4. deinde se suspendentis l.c. clare testatur.

m m m m 2

5. *Per*

5. Per fulminis Ecclesiastici jaculum, quod impoenitentibus & incredulis, nisi pœnitentiam egerint, vi clavis ligantis, quam Christus Ecclesiae tradidit, Joh. 20. v. 23. ex suggestu vel in confessione annuntiatur, quo ipso efficaciter judicantur, & corpore & anima ligati Satanæ traduntur, sicut Paulus incestuosum hoc modo excommunicavit, & judicavit, 1. Corinth. 5. v. 5.

Hæc judicia omnia in hoc mundo super impios veniunt, quæ sanè omnino terribilia sunt. Sed terribilium longè judicium exsequetur die novissimo, quando impii & increduli, judicii infernali, & multis myriadibus Diabolorum cruciandi tradentur, ubi commanducabunt lingas suas præ dolore, Apoc. 16. vers. 10. quia Jesus in ore suo non confessi sunt Dominum, nec corde suo crediderunt, quod Deus illum suscitari ex mortuis, Rom. 10. v. 9.

Quilibet proinde incredulitatem fugiat: Qui enim incredulus est Filio, non videbit vitam, sed ira Dei manet super eum, Joh. 3. v. ult.

III. Mundum malitia receptaculum. Mundus omnis malitia seminarium est, homines enim diligunt tenebras, & quidem magis, quam lucem, ideoque opera eorum mala esse, Servator adserit.

In mundo est concupiscentia oculorum, concupiscentia carnis, & superbia vitæ, 1. Joh. 2. v. 16. hoc ipso seducimur ad iniquitatem, & non raro corda innocentium, Rom. 16. vers. 19. Hinc Lu-

therus mundum stabulum pessimum hominum appellat.

In mundo sunt sagæ & benefici, qui se ad nutum Diaboli componunt, ejusque mandata exsequuntur.

In mundo occurunt hæretici & Sophistæ, per quos Diabolus zizania falsæ doctrinæ spargit, & homines corruptit.

In mundo inveniuntur varia scandala, quibus in errorem inducantur, si fieri possit, etiam electi, Matth. 24. vers. 24.

Hæc innumera peccata & flagitia in mundo in filiis incredulitatis aluntur, & perpetrantur, ut rectè dixerit David: Circumquaque impii obambulant, cum exaltantur leves inter filios hominum, Psal. 12. v. 9.

Mundus quasi nova Babel est, in quâ variæ confusiones occurunt, Genes. 11. vers. 9. hîc nobis vox cœlestis acclamat: Exite, de illa, populus meus, ut ne participes sitis delictorum ejus, & de plagiis ejus non accipiatis, Apoc. 18. vers. 4. Salvate animas vestras, ut Angelus ad Lothum dixit, Genes. 19. vers. 17. & Paulus quoque monet nos, ut quæ retrò sunt obliviscentes, ad ea quæ priora sunt nos extendamus, ad scopum & ad bravium supernæ vocationis Dei, in Christo Jesu, Philipp. 3. vers. 13. 14.



De Se-